

Kui Keiser Aleksander I. 1801. ajastajal aujärje päle sai, sis jo olli its Pranzmaal fest surest soamehhest, Bonapart nimmi, kuulda, et kellega temma wõito läts, selle ülle temma wõimust sai. Tol ajal es olleke Pranzmaal Kunningat, nink wallitsuse ass'i olli kiik ni seggane, et saäl kellele ennamb mārastegi ello es olle; sepärrast säed Pranzmarahwas sedda kuulsat Bonaparti 1804. ajastajal hēnnele üllembas wallitsejas nink pand tälle Keisri awwonimme. Ent sega es leppi temma joht weel. Temma himmust ka tõiste Kunningate maad hēnnele saia, läts sure soawäega Saksamale nink nakkas saäl Preissima Kuningaga nink Austriama Keisriga söddima. Särast üllekohhut es wõi meie õnnis Keiser Aleksander nätta nink saat omma soawäkke neile appi. Se olli 1806. nink 1807. ajastajal nink Barklai olli ka man nink näüt mitman lahkingun Pranzuse wasta omma wahwust. Kui se södda otsa sai, sis tulli meie Keisril Rootsiaga teggemist, ent Barklai läts 1809. ajastajal 8000 soamehhega Märzi-kul jalla- nink hobbesewäega nink suurte tükkidega ülle merre ea jalgsi Rootsimale nink loot, et Jummal, se tedda sedda teed olli juhhatanu, tedda ka lige temma soawäega saas ilma lahjota ülle merre saatma. Jummal and laugēt külma nink es lasse sullada, nink Barklai luggu sure merre pääl olli parremb kui 26 ajastajaga pärran sedda Willandi nink Berno worimeeste luggu weina pääl olli (kae sin kalendrin 33. lehhekülje pääl). Särast immelikut julgust es mõista Roots mötteldagi nink olli sepärrast ni kui melest ärra, kui meie soawäggi pasuna hõlliga kui taiwa soawäe hulk merrest üllestulli, tedda se eest kimbutama, et temma Bonaparti kihhutamise läbbi olli meiega tiusu ajanu. Barklai löppet södda ilma mõega tõmmata nink ilma püssa pauguta seddawisi, et Somema, mes enne sedda Rootsi jaggu olli olnu, meie Keisri kätte sai nink parhillake weel temma käen om, nink Kei-

ser Aleksander teggi Barklaile se eest paljo hääd nink pand tedda ministris ülle lige soasja Wennerigin.

Seni kui se sin meie Keisri mail sündi, olli Bonapart Saksamaal kiik omme jalgu alla sötkunu nink omman torredusen ni julges lännu, et temma nõmwo wõt, omma soawäega ka Wenema sisse tükida. 1812. ajastajal suwuwitsel aol nakkas Pranzus ülle Wenne-piri sisse tulles nink teggi figin paigun meie maal paljo üllekohhut nink kahjo. Ent se, ke õigede tassup, kirjut kiik sedda üllekohhut omma ramato päle, tälle sedda kiik ütškörd kätte tassuma! Keisri polest tulli Barklaile käst, wainlasele soawäega (127,000 meest) nink suretükkidega (500 tükki) wastaminna nink ka kiik muud Wenne soawäkke omma üllemba wallitsuse älla wõtta. Tark Barklai tedis kül, et kui Pranzus saasse ennege Wennerigi söddame sisse küündima, et sis wainlasel ka tõtteste ots kätte tulles; sepärrast es olle temma ni wäga tulline tedda taggastajama (mes kiik immes pänniwa, kea temma nõmwo es tija), enge tagganes es'i temma eest nink pet wainlast its suwuwembide Wenema sisse. Kui Smolenski lina al se hirmus lahking olli olnu, kos mõllembilt poolt mitto ja mitto tuhhat meest olliwa surma sanu, sis anti üllemb-soawäe-wallitsus ütte tõise kuulsa kindrali kätte, Würost Kutusow nimmi, ke Wenne sugust olli, nink Barklai säeti sis temma wallitsuse älla nink pididi temma käsku kuulma. Kui Barklai södda olles kõrkust täüs olnu, sis olles se temmal kibbe olnu, wallitsust tõise kätte anda; ent temma olli allandlik nink armast omma Keisrit nink es'samaad ennamb, kui tühja ilukito auwo. Sepärrast aste temma ommast awwopaigast rõemsa soamega mahha nink teggi tõise kindrali wallitsuse al nisamma Keisri tahtmist kui enneke.

Jo teie ollete es'i mõnne atstawku soldati suust kuuldnu, et Bonapart Pranzuse wäega Moskwa linani Wenema sisse tükke nink et fest päiwast et